



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel XXII. Vande af-comste van H. Lenaerd, ende hoe hy Pastoor tor
Gorcom ghecoren wierdt.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

keeren tot sijnen Gardiaen om te gaen vraghen
wat hy begheerde / ende dat hem te comen segghen.
Tot noch toe hebben wy de Minder-broeders Mar-
telaers verbolghens verhaelt. Nu laet ons van de
andere spreken.

CAPITTEL XXII.

Vande af-comste van H. Lenaerd, ende hoe hy
Pastoor tot Gorcom ghecoren wierdt.

H Lenaerd van Decchel / de oudtste Pastoor /
ghebozen tot s' Hertoghen - bosche / een wel
bekende stadt van Brabant / heeft ghehad seer
goede ouders / soo wel inde op-rechtigheyt des
gheloofs / als inde deughdtsaemheyt des leuens /
van welke hy oock gheen-sins en is on-aerdigh
gheweest. Als hy deur den ouderdom bequaem
was / is hy besteedt gheweest om de Latijnsche tale
te leeren inde stadt sijner gheboorten. Al-waer een
seer vermaerde schole vande vrye consten gheweest
is / als wy op een ander plaetse hebben gheleght.
Van daer tot Louen ghesonden zijnde / heeft de sel-
ue vrye consten / namentlijck Dialecticam en Philo-
sophiam / voordts geleert inde pedagogie / die ghenomt
wordt en daer uyt hanght de Walck. Vā welke stu-
die sijn croone ontfangen hebbende / en uyt ganscher
herten nu verlanghende naer een heylige leeringe / is
cozts daer naer aen-genomen in het collegie van A-
bzianus den selten / daer hy omtrent negen iaeren in-
de heylige Godtheydt heeft ghestudeert. In welke
studie / al-soo sijn neerstigheyt / goet verstandt en
memorie mette sozgh-vuldigheyt der meesters wel
ouer een quamen / heeft hy soo vele vercreghen / dat
hy al en was hy niet ghecomen ouer den graedt van
Baccalaureus / nochtans onder de principaelste
ende

ende gheleerdste Theologanten wierdt gherekent/
 ende in wetentheydt van Goddelijcke saecken vele
 andere te bouen gingh / die hooger van graedt wa-
 ren. Op het eynde van het selue studie / is hy ouerste
 gestelt inde oefeningen der gener die inde H. Godt-
 heydt ghemaectt zyn Baccalaurei / die-men ghes-
 meynelyck noemt Prioꝛ. Nochtans en heeft hy
 daer-en-tusschen niet achter-ghelaten hem te oefte-
 nen in prediken / waer in van alldoer begonst te
 blijcken hoe vele goede gratien dat hy hebben sou-
 de. T' is ghebeurt middeler tydt / dat tot Gorcom
 een Pastoor ghebrak / die sy van kergheringhs el-
 ders en hebben willen ontbieden oft soecken dan uyt
 Louen / om dies wille dat de selue schole ghemey-
 nelyck mannen voorzigt-braght wel en Catholijcke-
 lyck geleert. Niemandt dan en is tot diē last bequa-
 mer bevonden als H. Lenaerd. De welcke ver-
 socht zijnde qualijck ghenoech heeft ten lesten con-
 sent ghegheuen / deur den raedt van sijn vrienden
 ende by-sonder deur het berock van H. Guardus
 Capper / die alldoer te Louen was de principael-
 ste onder de Theologanten / ende oock Cancellier
 vande Vniuersiteyt. In welke saecke dese Guar-
 dus schene mede te wercken op dat vol-braght soude
 worden dat hy eer-tydts veur-seggt hadde / dat
 gheschieden soude. Want ghelijck van hem ver-
 haelt de eer-weerdighste Bisschop Lindanus / sijn
 discipel gheweest hebbende / in eenen briez tot den
 Keyser Rudolphum den tweeden / in sijn publike
 openbare lessen heeft hy tot verschedene reysen ghes-
 seggt tot sijne hoor ders / daer H. Lenaerd een af
 was / dese woorden: Daer zijnder onder u-lieden
 die om Christus ende het Catholijck ghelooue wille
 noch doot gheslaghen sullen worden. De waer-
 heydt van dit woort heeft H. Lenaerd veur d'eer-
 ste / van

ste / van den seluen Guardus naer Hollandt ghesonden / met sijn doodt betuyght ende vebestight. Daer-om als hy nu tot Gorcom wettelijck gheropen ende ghesonden was om de schaepkens des Heeren te hoeden / en heeft anders niet veur ghehadt dan hoe dat hy al-sulcken heplighen ende lastighen roep naer sijn uyterste beste soude moghen vol-doen. Ende dat dunckt my dat hy seer wel heeft ghedaen deur de gratie des Heeren / die naer het goedt behaghen van sijnen wille den waldom gheeft daer sijn dienaers gheplant ende ghewatert hebben.

CAPITTEL XXIII.

Hoe H. Lenaerd te Gorcom is ghecomen, ende van yeghelijcken seer gheacht wierdt.

Als hy eerst naer Gorcom reysde om de Pastoorije te gaen bedienen daer hy hem toe begheuen hadde / dick-wils by sy-seluen ouer-legghende wat grooten last dat hy aen-genomen hadde / sprak som-tijds niet sonder suchten dus-danighe woorden: **O** my alendigh mensch wat hebbe ick ghedaen / dat ick al-sulcken swaren ende moepelijcken last hebbe laten op mijn schouderen legghen? Waer-om hebbe ick consent ghegheuen die't my gheraden hebben? Waer-om hebbe ick soo lichtelijcken te vreden gheweest? Niet-te-min al en was hy niet sonder redene verbaert deur de vzele vande moepelijckheden ende swarigheden / nochtans lockte hem aen ende dreue hem voort de liefde die't al hopet ende al verdraeght. **O**ock de teghen-woordighe noodt der hepligher Kercken vereyschte met recht de hulpe van desen man / die van het beginstel af alle sijn veur-nemen ende becommeringhen tot desen eynde hadde ghelchicht. In deser manieren dan